

ILS NOMENS



<p>Ils nomens</p>	<p>Ils nomens dattan ils nums a creatiras e chaussas. <i>mamma, chaun, rispli</i></p> <p>Tar ils nomens tutgan er ils nums propriis ed ils nums geografics. Quels vegnan scrits grond: Claudia, Battesta, Maissen, Florineth Turitg, Scuol, Cadi, Engiadina</p>										
<p>Ils genus dals nomens: masculin u feminin</p>	<p>Ils nomens èn plets che han in genus grammatical fix. En rumantsch datti dus genus grammaticals. masculin: il mir feminin: la paraid</p>										
<p>Il plural regular dals nomens</p>	<p>Ils nomens pon vegnir duvrads en il singular ed en il plural. Il plural regular vegn furmà cun agiuntar la finiziun -s a la furma dal singular.</p> <table border="1" data-bbox="437 1126 1385 1496"> <thead> <tr> <th></th> <th>singular</th> <th>plural</th> </tr> </thead> <tbody> <tr> <th>masculin</th> <td><i>il cudesch l'ami</i></td> <td><i>ils cudeschs ils amis</i></td> </tr> <tr> <th>feminin</th> <td><i>la staila l'anda</i></td> <td><i>las stailas las andas</i></td> </tr> </tbody> </table> <p>Ils nomens che fineschan cun -s u cun -ss na survegnan nagin ulteriur -s en il plural: <i>il nas - ils nas</i> <i>il pass - ils pass</i></p>			singular	plural	masculin	<i>il cudesch l'ami</i>	<i>ils cudeschs ils amis</i>	feminin	<i>la staila l'anda</i>	<i>las stailas las andas</i>
	singular	plural									
masculin	<i>il cudesch l'ami</i>	<i>ils cudeschs ils amis</i>									
feminin	<i>la staila l'anda</i>	<i>las stailas las andas</i>									
<p>Il plural irregular dals nomens</p>	<p>In pèr paucs nomens han in plural irregular. L'indizi per in plural irregular d'in nomen è l'accent grav en la furma dal singular. <i>il chapè - ils chapels</i> <i>il prà - ils prads</i> <i>il vestgì - ils vestgids</i></p> <p>In cas spezial da la furma dal plural: <i>l'um - ils umens</i></p>										

Ils nomens cumponids e lur furmas dal plural

I dat era nomens cumponids. Quels vegnan scrits en trais modas.

1) Cumbinaziuns da nomen + nomen vegnan scrittas cun stritg d'uniun:

l'isch-chasa, ils ischs-chasa

il pled-clav, ils plets-clav

2) Cumbinaziuns da verb + nomen vegnan scrittas ensemen:

il sgrattatschiel, ils sgrattatschiels

il portatun, ils portatuns

3) Cumbinaziuns da nomen + adjectiv vegnan scrittas dapart:

la strivla melna, las strivlas melnas

il bain puril, ils bains purils

Ils nomens che designeschan ina quantidad nunderterminada

Intgins nomens han sper la furma dal singular e dal plural ina furma cun la finiziun **-a**. Ils plets cun quella finiziun designeschan ina **quantidad nunderterminada**.

la maila (La maila è madira.)

la crappa (La crappa è sper chasa.)

la roma (La roma è pinada.)